

國家圖書館藏

中華歷史人物別傳集

綫裝書局

王五樓追悼會彙錄

王君五樓之遺像



民國三年工專專門學校及奉天旅同鄉追悼王君五樓之攝影



追悼王君五樓公啓

鐵嶺王君鳳岐字五樓幼失怙恃孤露堪傷長而攻書十年弗懈乃顏子好學同門斯其成名而伯牛有疾哲人竟以無壽今年四月病去鄉關一季初周遂聞遽逝以如斯人而逢斯厄曾未三十壯年遽殞豈惟親舊咸望塵而興悲凡在朋遊皆聞風而下淚同人等或以雞窗共研或以地望相接欽德行之可風哀命兮之莫贖爰於陽歷十一月一號假鉄門安慶館開會追悼庶藉椒漿之奠稍伸沒後之思惟以招魂異地耳目難周用敢折簡肅聞共襄義舉倘諸君子軫念逝者命駕來臨錫以輓歌播之不朽則劍懸空壙徐君已銜地下之恩書報九京孝標更播千秋之譽謹啓

大學校同鄉

喻程九 孫國封 趙嘉任
趙鴻壽 關光裕 陳國士
李蔭民 趙曾佑 吳景祺
楊普源 馬宗鄰 陶慶兆
周光亨 富維驥 齊占一
王家第 姜其師 陳樹棠
馮廣民 王永恩 孫元矩

高等師範學校同鄉
醫學專門學校同鄉
稅務學校同鄉

劉學簡 秦嘉璧
丁貴堂 毛俊
廖學濂 張伯明 陳清槐
黃黎光 俞道陽 曹楣
譚孔新 劉德馨
劉文祥 王郁之 王安之
黎蔭棠 趙大鎮 張樹德
戴增庠 白鳳翔

公啓

工業專門學校同鄉

王君五樓事略

王君五樓事略

君諱鳳岐字鳴宣一字五樓奉天鐵嶺人生五歲失怙恃依兄繼母鞠養就外傳聰穎軼其儕輩年十五遊奉天肄業於省中學成績優異居一載改入方言學校殫力於西文造詣甚深未幾斯校停辦乃入高等預科既而由省入都修業於工業專門學校今已二載矣君於學既無所不窺尤深契夫算數當初就外傳時即知致力於是而無幾微懈既歷游奉天京師各校更得教師指導其學益進方君之修業於工業學校也所習爲電氣機械之學理極深邃不可驟解當教師講授時同學皆端竦敬聽君獨怡怡如平常視功課若不經意迨課畢就君質之乃一一爲疏其糾紛董其條理以片言而解同學之惑者有之矣蓋君之於學妙有神通悟其所以冠此多士而爲儕輩所不可及者皆是類也

君體素羸舊有嗽疾而未甚客冬疾作旋愈今年四月疾又作醫藥罔效同學皆勸其歸不可強而後行豈意君於歸里之後竟與斯世長辭乎嗚呼哀已君性簡默寡言笑與人共事敬慎小心無幾微之失生平待人喜爲翕翕然性實坦易凡與之久處者未嘗不稱君爲藹然君子也君卒年二十有八妻周氏遺孤三人男二女一皆明慧秀發可紹君之志業云

祭王君五樓文

維民國三年十一月一號發起人等謹以庶幾之奠致祭於王君五樓之神位
前曰嗚呼學之怠荒國以不競緬瀛海之棣通丁歐風之東進匪甲兵之爲珍
惟莘莘以託命惟我王君遠藩之秀而庠序之英幼岐嶷而淵默言有則而行
中乎程九齡兮出就外傳穎慧煥發如渾金之質璞玉之瑛年十二而志乎算
數屹屹於九章之學畢虛而殫精越三載而遊省治歷學數校既涵泳乎中土
琳瑯之籍復深造乎斜上與旁行其後乃離故土臨神京入工業專門之校將
探歐美藝術而集其大成雖當乎休沐之日猶不廢夫誦聲維今年之孟夏逢
病魔之來纏既醫治而罔效遂乘車而東旋方羨君於抵里之日兒學語而婦
調絃豈知臥病百朝即一瞬不視而抱恨終天嗚呼民邦初造遺百六之遺蹟

欲奮起於積弱端有賴夫軼羣之彥續學之實此吾儕聞王君之恒化所以不
禁涕泗之潛然嗚呼哀哉尙饗

北京大學同鄉祭王君五樓文

竊竊王君倏焉已空人誰無死恫矣爾躬爾躬不閱莫恤爾後環顧儔輩孰其
夕秀匪我痛君職此之由君其有知然乎也不我初見君潘水之垣謂君長者
靜訥寡言同門三載僉曰智囊潛研鑽極無怠無荒君治形學聰穎特啓云誰
之侶翳維周牌寰海弛禁西學大張君志勃勃載翔載翔負笈京門工業是撰
左右皆曰彼邦之彥乃稅駕無術不惠吳天雞夢不起在酉之年嗟君之品外
璞內實何以方之金玉其實無堅可披理文緻密溫溫其相鋒不外出君之不
起亦坐斯疾舉世汶汶君偏無物人誰汝弔縱然賈屈起君質之儒亦自失嗟
君之學扶奇擅珍含英咀華茹苦兼辛務斷得間默運以神並嘗語曰器惟求
新學亦如斯厥理維均人爭友之墓曰芳鄰自君之出別未五旬飛來噩耗奪

我天民度君之疾合是靈均遶天在望白石磷磷嗟君之行志絮行芳傾蓋如
放落落大方謙以接物不矜其長虛以下人無愧彼蒼嗟然不滓潛而彌光時
哉維時何處康莊君返樂土復奚所望慟哉吾等空具馨香他山改錯世無二
王相見顏色落月屋梁遙祭之餘並爲文以弔之詞曰

悲夫毒霧漫天兮大地爲昏陽陰異路兮何處招魂馭彼神驥兮北海之鯤鬱
陶思君兮九重其門伯樂既歿兮驥將焉程我心結軫兮奚以爲情秋水咽碧
兮鳴其不平天風長嘯兮壯君之行君固達人兮何幻何真幸勿瞋怒兮造物
不仁路旁繫纍兮叢藉莽榛人事代謝兮幾易秋春知君不悔兮得其所哉祝
君升遐兮進席蓬萊清酒一釀兮略以助哀魂其歸來兮侑進一杯嗚呼哀哉
尙饗

惟民國三年十一月某日同學友汪度謹以東茅杯酒致奠於亡友王君五樓之前而告之曰嗟夫五樓憶庚戌之秋君與余偕入實業學校朝夕一堂及辛亥末季因南方事起校課中輟遂與君離迨翌年改組工校君與余又復來私心竊喜從茲政治一新吾輩可安心致學相合而謀爲富國之基矣乃孰知時不君與雖處有爲之世具可造之才而不假君以年也悲夫君自弱冠以來爲殫力中西之學僕僕風塵擔簦就傳曾未嘗一日得爲室家之安君體素弱而對於所學乃極力研營雖疾不廢嗚呼君志何宏君氣何壯而君年抑何促耶君年幼弱即失怙恃天之所以苦君者亦已足矣乃更夭君之年既使君抱負不償而又寡君之妻孤君之子嗟夫歿者已矣生者何堪弱女幼兒將復何依則君之遺恨寧可如而天之所以處君者其苛刻何一至於此極也嗚呼世衰

五

道微禮弛樂墮余奔走南北閱人多矣其間才智俊拔之士固不乏人然性情誠篤而恬退才識優卓而純一得天賦之全未有能如君者也天既賦君以過人之具何又乃奪君命之速若斯使君僅以溫良恭儉見稱於同儕而不使君有所爲於人間以挽此末俗豈渺渺衆生將終困於污濁耶茫茫大陸將淪爲禽獸之園耶何貪詐之徒乃得永年而德行之士反以夭逝耶悲夫時序飄零風濤日惡傷心人感悲家國久已淚盡聲嘶今同學少年又弱一个無窮後望更屬何人故不但哀君之遇又兼爲喪信之悲荐酒陳詞以當一哭君其知也耶其不知也耶嗚呼哀哉

尙鑒

民國三年十一月一日三年級電科同人以香一束酒一卮卽同學王君靈前而祭之更哀之以辭曰嗚呼五樓君竟死耶君竟以病死耶病亦人所恒有君體氣非弱而春秋方壯竟以病死遺物忌才奪我良友不更大可痛耶君志在實業孜孜於工藝之學且每爲吾人言學工將以救國宜互相勉勵俾爲通才言猶在耳何竟實志以歿耶嗚呼五樓春間一別意識暫違秋夢頻驚竟成永訣燈前問字課後論文今後不復見君矣不更大可痛耶嗚呼五樓君如有靈魂今來鑒

六

惟民國三年十一月一日 同學

劉文群
趙維業
王安之

等以清酌庶羞之奠致祭於王君五

樓之神位前遂致辭曰嗚呼維我王君遠瀋之英童年擅譽早歲蜚聲初遊省

治繼上神京力學不懈作我周行已酉之歲工校初開惟我五人偕而西來既

入電科昕夕無猜歡樂未央奇禍遽胎天道難知善者罹災臨風興慟天地沈

覆遺我四人倍覺可哀嗚昔之歲君未束旋電械之學頭緒實繁惟君穎悟先

挾其藩一語析疑遂止羣喧今則已矣莫瞻笑言焉得喬松作之九原作既不

能銘旌設祭親物傷心臨風雪涕長沙短折劉賁早死遙慕義山風義難企此

日之思鑒之者子魂兮有知其來戾止嗚呼哀哉

尚饗

十年力學未成名實志赴泉台遺恨悠悠隨逝水

一病殒殤終故國愁雲橫鐵嶺冷風瑟瑟動哀思

追悼會發起人公輓

鄉關多阻負笈從遊廿年壯志未酬青冢黃昏劍氣銷沉空太息

學行兼優同堂交譽兩載講帷虛擲高山流水琴音落寞更誰聽

北京工業專門學校同人公輓

廿載孤苦千里從遊論好學及門有幾

一藝垂成三旬未屆痛斯人其命矣夫

洪錫輓

篤學實起予一例嘔心天所奪

攻書終誤汝九原實志事堪悲

朱毓真 林志琇輓

三載都門學懋新知人已故

九秋遼瀋魂歸涼月鶴飛還

胡樹楷 許繩祖 王永良輓

造物太無情忍教一世英才莫酬壯志

秋風傳惡耗偶翻兩年學績益痛斯人

陳器 施森 夏祖培 仝輓

勵學竟傷身蓋世文章傳後嗣

暫離成永別滿城風雨吊英魂

楊祖惠 李嘉謨 汪樂泌 路達 公曉

迅志邁同儕如君敬業樂羣造詣行看迫絕軌

哀音來吾黨際此傷秋嘆逝招魂何處哭窮途

吳新芳 俞同奎 錢家澄 曉

滄海咽橫流先占一坏猶淨土

秋風飄斷梗不堪極目望遠雲

林凱謹 曉

於人何尤嘆青年銳進素志未伸學業將成身已去

自古有死看遯潘匪遙音容猶在人琴永逝我何堪

梁引年 曉

九

壯志折中途君難瞑目

縱談思往事我實傷心

同學弟譚孔新拜 曉

共學已三年問難析疑頻益我

哭君值重九兩絲風片黯銷魂

弟劉鍾仁 范毓元 敬 曉

虛懷論眼底知交叔度波澄終軍志壯君子哉若人方冀長爲天所厚

搔首問冥中主宰顏回命短原憲錢懷報施也如是豈惟下以哭其私

同學弟馬宗彝拜 曉

商高精術墨翟巧思惟君造詣超羣天下英才奇俯首

顏子華年伯牛篤疾此日招魂設奠滿城風雨倍傷心

同學弟龔道賜敬 曉

慧業幾文人竟使生天哀此日

讀書有真種忍將悴掌憶當年

同學弟孔祥勉拜 曉

絕學紹周韓問誰發潛閨幽他年更補疇人傳

臨喪慚范式祇此藉闌看露酒淚長瀉楚些辭

同學弟廖學濂黃藜光拜 曉

電學待昌明大業垂成此身遽沒遺恨無涯隨逝水

石交稱莫逆招魂乏術握手難期悲歌一陣向遠天

十

同學弟趙鴻壽拜 曉

負笈上神京學則同科居則同舍每念及三載相依直欲令人摧五內

抱疴終故國今失良友如失良師徒使我四人空對却從何處賦七哀

同學弟黎蔭棠王安之趙大鎮劉文祥恭 曉

死到斯人關學運

才偏無命作公卿

魏祥林 曉

蒿里欽英魂王葦已矣悲他妻呼兒號搶地呼天空有淚

螢應失益友趙勝何堪值此菊殘荷盡西風冷雨弔伊人

趙嘉任 曉

經綸滿腹抑鬱一生資志竟長終慘目應揮遼海淚
同學五次肝膽十年懷君屬秋夜傷心懶賦大招詩

王家鼐輓

夠學久相欽他日方期能樹立
生才良不易彼蒼胡竟早摧殘

饒桂齡輓

天不欲富中國乎如此工業才何竟奪之早去
人而乃有斯疾也念及身後事徒嘆魂兮歸來

高瀛環 王憲章 李文毓

鄉弟 趙方田 王開新 彭維業 輓

封書麟 崔文 張錫權

十一

四載論交正幸不時匡我過
一朝隔世何堪今日吊君魂

陳樹棠輓

君其長已矣莫計身名完厥璞素亦曾見匝地腥風大好山河胡馬渡
仁者必壽乎何來物忌奪我友生最痛夫漫天毒霧適丁憂患哲人萎

弟孫元矩拜輓

品高恭榮學等程輸鬱鬱佳城如夢愧我無才輓益友
誼切慶廉交同管鮑浩浩藝海靡涯憑誰擁楫指迷津

趙曾佑輓

好學不終吊憑郭外
有才未展淚灑長沙

楊書林輓

時爲九月序屬三秋愁漠漠關山萬里白草黃沙一若爲君悲落拓
交憶十年別纔幾日痛沉沉生死異途蘭漿菊酒却從何處賦招魂

楊晉源拜輓

吾邑之秀端屬斯君方期造福是邦俾我彈冠儕貢禹
雲樹匪遙不堪屬目空溯伊人何處阿誰掛劍說延陵

李蔭民輓

大任將降斯人遽渺回首悵河梁幾度鄉關悲夜雨

十二

數年老友捐我獨生傷心望雲樹兩行血淚濺斜陽

弟齊占一恭輓

斯公應大任宏願莫酬翻悲陳迹致將家國全拋什肩頓卸博望之槎未返巫
陽之魂難招空惹得遠水滔滔鳴宿恨

唯弟其何如受益匪尠遽恨失群此後驥尾焉附步武奚從丁公之鶴云遙季
扎之劍誰掛僅見那松楸鬱鬱助離愁

弟吳景祺恭輓

五齡失怙恃依兄嫂以同居賸將少婦孤兒可憐長抱終天憾
兩載共劬勞資師友而請益贏得零風斷雨太息徒爲殫地歌

同學弟 胡光杰 范道鵬 拜輓

奇特早淪亡一堂話別定卜生而爲英死而爲靈
良才經挫折兩載追隨空留長松千尺靈芝九莖

同學弟蘇昌烜拜輓

造物何寡情醫遍中西竟無不死藥

英才偏短命交深硯席同興去後悲

弟劉銘敬輓

同學近二年每歎穎悟過人鐵嶺獨鍾靈秀氣

別來近三月忽聽喧傳噩耗京師痛絕友朋心

同學弟趙雲中敬輓

千里隔關山
驚傳三百故人齊洒淚

十三

兩秋同筆硯雅懷緬想當時益友共推君

本校機械科二年級同學恭輓

兩載共辛勤黃卷青燈同學志

一朝悲離索素車白馬異鄉情

本校三年級機械科同學弟等拜輓

同學兩三年感情極厚方冀硯席長親一室芝蘭增臭味

相別四五月懷念殊殷何期斗山傾圮半江秋水賦招魂

弟龔義鑒劉德馨敬輓

傷子莫大彭聃爲夭自是達人見解

楚客惜芳延州心許豈必故舊惟然

鄉小弟金毓斌 劉紹衣恭輓

才長李白命短顏回造物竟無情三百太學同一哭

召降玉樓靈潛昂宿大魂原不死千年華表盼重歸

弟周名存 王旭 廖定渠敬輓

憶昔時瀟水離羣頗深索居之感然祝君前路慰我私衷猶冀得異日甄陶學

海無涯憑引渡

方去歲燕都聚首竊喜故舊重逢乃逝者如斯弗予肯顧縱能賦陽關疊曲遑

天何處覓知音

如弟喻程九拜輓

世界正相爭方期電氣精深尤爲同堂作先導

十四

人才難再得詎意風流歇絕聊從遠道表微忱

本校一年級電機科同輓

知己本無多似我鍾情憶從一去都門鐵嶺綠江頻入夢

有才偏不壽思君不見對此重陽風雨清楓黑塞倍生悲

鄉小弟田朝宗敬輓

本是上舍高才可造深忱天公胡汝靳

看來中原大勢得歸乾淨我輩不君悲

本校化學科二年級全輓

文飾返洮南寔志長埋夜雨燕城增寂寂

噩耗傳冀北同聲一哭秋風易水倍蕭蕭

同學弟陳清槐敬輓

讀學殞而軀兩載神交悲小子

招魂長太息一堂舊雨哭先生

同學弟陳從陳宗毅敬輓

燕京相聚時景行方殷詎料入室撫琴偏不調

銀州歸去後頗思艱見徒令尋台掛劍愈生悲

鄉愚弟劉贊卿鞠躬敬輓

游奉天旅京師續學多才方喜女蘿依松栢

別風侶棄難忘悲天愴地可憐秋草萎蓬蒿

內姪周憲武哭輓

十五

十年間稔知品學兼優話芸窓覩素志方期有濟時艱緊步後塵來冀北

千里外驚嘆人琴俱杳奠菊酒吊英魂不過聊伸哀悼同聲一哭向遼東

同學弟姜其師恭輓

樂羣敬業肝胆相知吾黨弱斯人齊向遼天揮熱淚

辟穀吞砂神仙何處邯鄲空一夢却教燕趙起悲歌

北京大學同鄉恭輓

惜君享壽未三旬回思博學多能剪燭論交情宛在

別我遠鄉將百日竟爾長眠不起持尊遙奠悼如何

小弟和頌聲朱敬軾拜輓

學品軼羣倫可憐造物薄情新假修年歸玉案

悵惘增此日長使同人墮淚愁看冷月照銀州

鄉弟夏紹舜 孫耀華敬輓

苦讀寒窗二十年學業垂成不料才名天忌一籌莫展遽爾悠悠逝水

回憶離都三五月音容宛在那知神人路歧聚首難期何由漠漠訴衷情

弟周光亨拜輓

嗟乎魂兮歸來奠菊酒三觴歌楚些一闋風蕭蕭易水寒滿城烟雨

報到先生去也讀素書盈尺成死別之章路迢迢遼天遠千里關山

鄉小弟孫光祖年九功封振麟奉樞張天詰封秀春敬輓

因其心扼其境又促其年壯志未成千秋遺恨

痛吾國憂吾生復哭吾友愴悲曷極萬感紛乘

十六

弟廖學濂范道 黃藝光敬輓

有才無壽奈天何儻假以年安見君讓垂工獨演虞廷盛治

長水高山空望斷如靈尚在應笑我非宋玉徒歌楚些招魂

劉樹藩輓

嗟夫五樓同學兩年今永別

哀爾三子獨存一母復何怙

李敬仲孫敦民輓

我慚負腹將軍妖氣滿天山方期禦侮折衝披甲勉隨商戰後

君是熱心壯士靈魂歸地府太息淒風苦雨修文剛及自強時

郭松齡輓

君年長我君才倍我鄉里重關情乃落月屋梁想相徒殷緬從前剪燭西窗猶是清風猶是夜

時勢若斯逝者如斯人間空負痛嘆薤露高歌京門飲泣看他日峴山墜淚一番秋雨一番悲

于長湖輓

天道竟何知忍使錦囊悲早逝
人生誰不死可憐家國總無成

陳福詒李景鑒輓

遊學旅京華卓犖英才超軼時輩共期異日得施富國裕民成偉業
同居聯梓里雅範常相過從不意沈疴莫起素車白馬竟斯人

馮子安王化宣輓

赴召太匆匆長吉嘔心殊可痛
讀書時戚戚半山囚首豈徒然

崔克廣胡毓昌郭鴻文董炳漢陸賢輔王保沅同輓

老天豈真多忌耶數年刻苦學冠同人倘克享嘉齡定能意匠翻新於工業競
爭場別開生面

我輩又弱一個矣二載觀摩情深舊雨愧無他厚贈惟有心香捧獻在北京追
悼會痛哭良朋

呂葆初輓

博學冠羣英術數尤精當年肄業盛京校內已共推翹楚

宏材思實現通工爲本今日捐軀故里同人實切悲哀

劉尊嚴輓

材高司馬疾重伯牛厄運喚奈何楚地招魂空寂寞
同客燕都訂交潘水光陰祇俯仰巴山話雨舊姻緣

張樹德戴增庠王郁之輓

電氣正發明登期大造忌才竟忍英豪忽奪魄
機械通妙用詎料半途撒手致令鄉友共傷心

趙福民輓

三年同學如何小別成千古最痛心衰草斜陽重過南浦送君處
九似拋功辜負雄才志萬里忍回首疏桐夜雨更憶西窗剪燭時

十八

薛允溶邢導吳象乾康兆民輓

數年稱知己憶昔日觀益觀摩愧我無才追雅範
千里賦招魂祝今時來格來享哭君有淚灑西風

劉文祥輓

脆促良可哀故國奄終半世空名隨往化
眷言懷君子神京望祭三秋灞淚眺連岡

北京大學預科同鄉弟恭輓

淒風苦雨賦招魂賁志終天忍聽楚歌悲宋玉
青鐙黃卷都無恙好學短命何堪祖國失顏回

張伯明輓

顏子云亡此去九原應抱恨

伯牛不作空堂一奠倍傷情

姚東翰輓

兩載餘筆硯同親國步正艱難我輩青年方期共展經綸志

一月來膏肓莫救命途太乖外斯人黃土死後誰堪制作才

吳逢恩何澤寶輓

物忌堅芳人諱明絮五樓安得不早死

才堪砥柱命不公卿三槐從此滅風神

曹楣輓

仙籍添此羽客

十九

工界少一大王

陳國士輓

壯志雄心都成幻影

碎琴解劍徒賦招魂

胡毓昌胡毓威輓

十載苦勤修欲揮美雨歐風大整神州新實業

卅齡猶未度孰料鸞膠鶴駕竟辭鐵嶺舊鄉關

趙軫石渭孫定一輓

天道本難知且勿問卅載年華長同逝水

斯人不再起今祇能旌銘致祭泣向秋風

白鳳翔輓

全球圖志工戰方殷豈期大造忌才一個遠弱

何處招魂慘懷欲絕况復紅顏薄命孤子無依

王作孚輓

讀書不猶人有思想有才志竟以苦學而促壽

論交誰似我亦鄉情亦友誼此來憑市最傷神

趙宗垣丁貴堂輓

年方壯學將成一病竟捐軀問天何故阻實業

人之亡邦乃瘁兩行頻下淚哭君豈是爲虛文

秦華輓

二十

駿骨邁時流學超凡伍想當日涼宵雪案午夜篝燈亞甄研精歐鉛索奧細懷

偉業方期天祿之能綿此後常聆儀範誰教造物無心竟把青山葬佳士

英塵還故里病繞君身盼歸期渭樹添愁江雲鎖恨哲人長逝噩耗傳來回首

前程堪歎良緣之難再至今空慕遺型常使吾倚墜淚暫將濁酒賦招魂

陳國慶薛鴻志傳作霖王世香沈彭齡楊繼先張道曾方永蒸輓

精衛西飛絕望無人填東海

杜鵑南泣傷心別我赴北邙

韓永昇馬昌遠彭廷璿廖校勳輓

學本陽明如何華表亭亭遽赴玉樓應帝召

我愧子厚懷念遼江渺渺未能縞服會君喪

曹楨輓

騎鯨西去令客遊歌騷歌曲木期鹿友山中竟使憑弔魂魄憤激千古
化鶴東還願旅輩爲驅爲隨再訂鷗盟水上但得銷磨憾想了恨平生

李殿綺輓

黃理傳

世傳作年未詳

廿七年十月十四日訖畢

去病

黃理傳

黃理字凝蘭一字玉自號俠瞿又號公孫福建閩侯人祖德銘父石琳皆業商理年十五失怙乃輟學繼父業非其志也家徒四壁意緒怙如簿計之餘吟誦如故與同學陳璩呂湛莊琳等醵金買書立循社講學是為福州說報社之始旋以中表莊其人之約北上留學入保定高等學堂未匝月格於新章不得插班改入天津新學書院又數月轉遵化府中學如是者三年家益貧不得已退學就牛莊郵政局事時郵政權全操於外族外人在職者橫甚每暴慢華人理羞之舍去如奉天充高等審判廳書記與戚屬莊桓同僚朱志伯為文字交暇日報與桓至圖書館讀書或借鈔之雖大風雪時秋浦許世英為高等廳廳丞以理積學士甚器重之理困乏有所需世英嘗出已俸貸之已而廳中設錄事一缺錄事為九品官同儕爭之甚烈世英皆弗用獨以理名請於提法使吳鈞既報可理始知之理熟稔明清掌故素懷種族之痛疾滿虜如寇讎以書記非官職得以常服任事錄事列於九品每廷議必看滿衣冠列席已所恥為故力辭不就世英強之不可戚友進勸

者至唇焦舌敝皆弗顧衆相視愕眙莫測所以吳鈞聞而歎曰奔競之風方盛不圖末吏中乃有斯人然亦不知理之志也無何奉母命歸娶廳中猶停妾以待理還理既抵里閩商議創商業雜誌留理任編輯衆譽翁然復與同里鄭祖蔭林鈞李雍設義務夜習學堂以培植貧寒子弟繼創笑談報寓褒貶於嬉笑怒罵之中尤為時論所稱許卒皆以經費不繼先後停辦議者惜之嗣倉前山英華書院學生山西郝瞳創民心報以鼓吹革命持論甚烈理與莊桓皆投稿以張其軍理尤與喧善為之推廣銷路卒

福州南北航商共設商船總公會聘理為文牘主任多所擘畫七月福州藏書樓成立理實董其事九月民國肇興福建光復理亦奔走其間與有力焉會莊琳為福建財政司會計科長辟理為科員未幾琳弟其人出署永春州知事堅約理為佐治官理與琳兄弟為中表親意志亦相投故有所約輒往居永春數月以母老歸省仍回財政司科員原任兼充福建豫算決算處審查員民國二年調充三夾道茶稅局長歲終罷去四年應省立第二中學校長黃翼生聘為國文教員自是不復從政專以教育

學羅芳年為校長
而理為副校長
理於機關外更以
力助學界種種設
辦實學

為事矣是年又與林鈞創設蒼霞小學七年福建鹽運使劉孝祥設水產學校悉以校務教務委理以蒼霞小學附之及孝祥去位水產學校停辦蒼霞小學因之亦廢九年理以水產舊有校具組織南小學及庚申學社未幾以中表莊冊介紹應南台李氏聘教讀其家三年而以城南小學董事諸舊日門徒至今猶存焉十四年閩南人旅居會城者設南郡公學以成績卓著開理自民國四年入第二中學迄於棄世十四年間一以教育為事所授生徒無慮千百理博學多能因才設教而性特慈祥宜其親生徒也如

父兄之於子弟而諸生之視理也亦如嬰兒之於慈母故講誦之際和霽之氣充於几席皆樂而忘倦焉比歲以來受業理門而成才者指不勝屈然理初不以為自多也理考友根於天性母在時山之憂樂一以母之憂樂為衡有兄早逝一弟名崇瀚愛之甚初娶里人陳璩妹賢而早卒越數年戚友促其續婚理諾之既備資為聘矣適崇瀚學費為數頗巨理念所入不豐不能兼顧遂能自立於以所備資濟崇瀚以卒其學業崇瀚遂能自立於世其友愛之篤如此性特耿介於人一無所苟非所當得雖毫厘不

取初滿虜既遂同盟會執閩省之政其領袖諸子多為理
之知交理初不附而有所謀及黨軍入福建理之門徒亦有
任要職者理亦無所干謁且以歷年世變多所感喟益堅
閉門之志議者至識其為愷生平好學閒居未嘗釋卷
摯友材鈞家多藏書理朝夕與共得書讀之故所學益
進嘗屢集紀載孝義節烈之文為幽光錄亦以明其素
志也未弱冠即能詩後窮而益工所為句多振峭幽清
如其人文有奇氣故友呂湛之亡也理撰文述其病中之
情狀讀者欲為飲泣蓋其志懇專摯之情直透紙背

感人者深也理性既孤高於世寡合嫉俗之意每流露於
自然身弱多病益以憂傷識者早知其不壽矣民國十
七年七月突患腦衝血症醫治罔效以八月九日卒年僅四
十有二遠近知者聞之無不同聲痛惜續娶陳氏亦賢伉
儷甚篤生子二長者次者理卒時才四齡所著幽光錄
若干卷詩文若干篇藏於家

論曰近世士大夫競尚功利以趨時為幹能自守為庸考末
流治道而不返也君獨矯俗樂道守己安貧揚古聖之玄風
踐先哲之遺行蹈厲發揚屢空不悔可謂曠世之高人抱

璞之志士者矣或以君負有為之才遇於自苦非所以顯親
揚名之術然世之自欺而欺人者亦何嘗不以懷才致用自詡
嗚呼嗚呼所終則亦同流合污而已此固君之所不屑為者也嗚呼
世猶有人者乎為之執鞭所欣慕焉

